

# U Ruandi zatvoreno šest hiljada crkava i više od 100 džamija

Predsjednik Ruande Paul Kagame je odobrio odluku o zatvaranju više od 100 džamija i blizu šest hiljada crkava, od čega 700 samo u glavnom gradu Kigaliju, javlja Anadolu Agency (AA).



Kako navode lokalni mediji u toj zemlji, oko 6.100 bogomolja je zatvoreno pod izgovorom da ih ima previše kao i da se koriste u svrhe koje nisu povezane sa religijom.

“Imamo li ovoliko fabrika i bunareva? Mislim da nemamo”, kazao je predsjednik Ruande novinarima.

Naglasio je kako je ekonomska situacija u ovoj afričkoj zemlji teška, napominjući da državne vlasti ne mogu pokriti troškove tolikog broja bogomolja.

Dodao je da toliki broj bogomolja mogu priuštiti samo razvijene zemlje.

Istakao je kako je jedan od razloga njihovog zatvaranja i pitanje sigurnosti unutar bogomolja koje, kako je rekao, nerijetko nisu uslovne za molitve i vjerske ceremonije.